

PRESENTACIÓN

DOS TRABALLOS E PRAZO.

1.- Os traballos dos/as alumnos/as debidamente identificados deberán entregarse na Dirección Xeral de Relacións Laborais (Consellería de Traballo e Benestar, edificios administrativos de San Lázaro, Santiago de Compostela), xunto coa correspondente solicitude de participación que deberá especificar a modalidade e, no seu caso, categoría á que se presenta, no prazo indicado na convocatoria.

2.- Poderase utilizar calquera tipo de envío sempre que garanta a entrega no lugar e prazo referidos anteriormente. Os centros educativos serviranse dos medios necesarios (mensaxería urxente e outros) para garantir que os traballos se reciban na Dirección Xeral de Relacións Laborais na data sinalada.

CONVOCATORIA

Convocase para o ano 2011 o certame Cooperativismo no ensino, dirixido aos centros educativos de Galicia.

PRESENTACIÓN DE SOLICITUDES E TRABALLOS

-Os traballos dos/as alumnos/as, debidamente identificados, deberán entregarse na Secretaría de Consello Galego de Cooperativas antes do 25 de Abril de 2011.

PREMIOS

Os traballos presentados á modalidade de debuxo, pintura, fotografía e/ou vídeo dirixido ao alumnado de infantil e primaria, nas súas distintas categorías, poderán optar aos seguintes premios:

-Un premio ao mellor traballo de cada categoría: os/as autores/as do traballo premiado en cada categoría recibirán materiais de debuxo e pintura, audiovisual ou informático, por un valor total equivalente a 2.700 euros.

-Un accésit por cada categoría: os/as autores/as de cada traballo premiado recibirán materiais de debuxo e pintura, audiovisual ou informático, por un valor de 1.700 euros.

-Os traballos presentados á modalidade de actividades cooperativizadas, dirixido aos centros de secundaria, poderán optar aos seguintes premios:

-Un premio ao mellor traballo por categoría: os/as autores/as do traballo premiado en cada categoría recibirán material audiovisual ou informático, por un valor total equivalente a 2.700 euros.

Convocatoria do Certame

“Cooperativismo no Ensino”



Infantil , Primaria e Secundaria

As bases desta convocatoria pódense consultar no DIARIO OFICIAL DE GALICIA número 59, publicado o día 24 de Marzo de 2011

**Máis información
Consello Galego de Cooperativas
881 999 268**



XUNTA DE GALICIA



CONSELLO GALEGO DE COOPERATIVAS



eusumo

www.cooperativasdeg Galicia.com

2011

A Consellería de Traballo e Benestar convoca o certame "Cooperativismo no ensino" co fin de difundir e promover o cooperativismo entre o alumnado dos centros de educación infantil, primaria e secundaria obrigatoria de Galicia, impulsando a realización de actividades de fomento do cooperativismo nos centros educativos.

No desenvolvemento destas actividades os centros deberán ter en conta os valores e principios que inspiran o cooperativismo, tales como: a solidariedade, o espírito democrático, a participación, a actuación colectiva ou a solución de conflitos de forma pactada. As actividades que se realicen deberán potenciar e propiciar estes valores. Como soporte de apoio ás actividades propostas contarase con material divulgativo en formato electrónico na páxina web www.cooperativasdegalicia.com.

Coa finalidade de impulsar a formación nestes valores e a súa aplicación práctica, incentívase a realización de actividades específicas mediante distintos premios aos que poden optar os traballos realizados polos alumnos.

PARTICIPANTES

Poden participar no certame todos os centros educativos de educación infantil, primaria e secundaria obrigatoria, así como o seu alumnado e profesorado, segundo as modalidades e nos termos previstos nas presentes bases.

- Modalidade de debuxo, pintura, fotografía e/ou vídeo dirixido ao alumnado de infantil e primaria.

- Os centros de infantil e primaria que realizen actividades de fomento e divulgación do cooperativismo poderán presentar a este concurso os debuxos, pinturas, fotografías e/ou vídeos realizados polo seu alumnado segundo as seguintes categorías:

- **Categoría A:** alumnos/as de 2º ciclo de educación infantil.

- **Categoría B:** alumnos/as de 1º e 2º de educación primaria.

- **Categoría C:** alumnos/as de 3º e 4º de educación primaria.

- **Categoría D:** alumnos/as de 5º e 6º de educación primaria.

- Os traballos presentados poderán optar aos seguintes premios:

·Un premio ao mellor traballo de cada categoría.

·Un accésit por cada categoría.

CONDICIÓNS TÉCNICAS:

·Os traballos de debuxo e pintura presentaranse en formato e soporte libre, empregando as técnicas que o alumnado decida.

·Os traballos de fotografía presentaranse en formato dixital, arquivos JPG, RAW ou TIFF, en alta resolución para a súa posible publicación, de 2.000 píxeles como mínimo no seu lado máis reducido.

·A resolución recomendada é de 300 ppp.

·Enviaranse copias en papel, xunto co arquivo en soporte CD.

·No caso de vídeos as producións presentaranse nun DVD estándar, reproducibile en calquera reprodutor convencional de DVD, podendo conter menú de inicio. O formato será MPEG2 PAL, configurado como zona 2 ou como zona libre. As locucións e grafismos deberán utilizar o galego. A súa duración non poderá exceder de 10 minutos. O DVD non poderá conter máis dun programa.

· Deberá estar identificado cos datos dos autores: nome, apelidos, idade, curso, enderezo do centro escolar, categoría na que participan, título da creación presentada, así como ficha técnica.

En cada traballo deberán participar como mínimo tres alumnos/as e como máximo non se poderá superar o número de alumnos pertencentes a unha mesma aula.

Modalidade de Actividades Cooperativizadas dirixido ao alumnado de primeiro e segundo ciclo de educación secundaria obrigatoria.

- Os centros de educación secundaria obrigatoria que realizen actividades de fomento e divulgación do cooperativismo poderán presentar a este concurso as memorias dos traballos realizados cooperativamente por grupos do seu alumnado, tales como: unha viaxe de ampliación de estudos, un festival de fin de curso, un campionato deportivo, un xornal, unha páxina web, un programa de radio ou unha obra de teatro, segundo as seguintes categorías:

-**Categoría E:** alumnos/as do primeiro ciclo da E.S.O.

-**Categoría F:** alumnos/as do segundo ciclo da E.S.O.

Os traballos presentados á modalidade de actividades cooperativizadas, dirixido aos centros de secundaria, poderán optar aos seguintes premios:

·**Un premio ao mellor traballo por cada categoría.**

· A memoria dos traballos realizados describirá o proceso de elaboración e realización da actividade de xeito que indique:

· **Definición dos obxectivos.** Cómpre aclarar as metas que se pretenden acadar, que beneficios de tipo cooperativo vai reportar a actividade, así como poñerlle un título ao traballo que resuma as súas intencións.

· **Asignación de tarefas.** Débese dividir o traballo en partes e decidir que persoa ou persoas se encargan de cada unha delas. Para isto é importante ter en conta os intereses de cadaquén, as súas posibilidades, coñecementos, preferencias, etc.

· **Tarefas desenvolvidas.** Especificar que tipo de materiais se precisan para levar a cabo a actividade, e cales deles se utilizan. Estes poden ser de tipo documental, gráficos, sonoros, económicos, etc. Tamén é necesario precisar a maneira de obtelos.

· **Dinámica das reunións.** Para que o traballo estea coordinado hai que celebrar reunións periódicas para poñer en común o realizado, así como para establecer cales son as seguintes tarefas, os prazos, os/as encargados/as de realízalas, e calquera decisión sobre a marcha do proxecto. Para este fin débense levantar actas das reunións nas que se deixe constancia de todo isto.

· **Resultado final.**

Esta memoria terá unha extensión máxima de 6 follas DIN A4 escritas por unha soa cara editadas en Arial cun corpo de 12 puntos e unhas marxes de 15mm en cadanseu borde. Tendo que entregarse dúas copias en papel e o seu soporte en sistema informático. Deberanse engadir, como anexos: o resultado final e os documentos precisos para xustificar a realización do proxecto, nas súas diferentes etapas, tales como: fotografías da realización, documentos, materiais realizados e actas das reunións, debidamente identificados co nome do centro e o título do proxecto.